

Solo

Text: T. Engel / Musik: J. Fritz
Verlag: Engelsongs / Neuton Musikverlag

Et jeit m'r jot ich föhl mich entspannt
Setze em Foyer mem Glas en d'r Hand
Et es noch jet Zick d'r Saal es noch leer
Ming Jedanke laufe mir hingerher

Dat ich jetz op d'r Clo muß
Es vollkommen normal
Dat muß ich immer dat es wie e Ritual
Jetz es alles ze spät et Leech jeit us
D'r Spot jeit an ich muß erus

Dann steis de do em Scheinwerferleech
Komm un maach e jlöcklich Jeseech
Dann steis de do met Pudding en de Bein
Solo - Jetz bes de allein

Mir weed et flau, kalt un heiß
D'r Saal es ruhich de Lück sin leis
Dausend Sache jon mir durch d'r Kopp
Nur dat wo et drop an kütt dat es fott

Wie jing noch ens die drette Stroph
Vun däm eetste Leed
Han ich och doheim et Jas avjedriht
Konzentriere muß ich mich
Ävver och nit ze vill
Söns weiß ich janit mih wat ich sare will

Dann steis de do em Scheinwerferleech
Komm un maach e jlöcklich Jeseech
Dann steis de do met Pudding en de Bein
Solo - Jetz bes de allein

Dat es et doch wat d'r Künstler bruch
Lampenfieber su heiß dat och noch
Fieber hät m'r ävver ohne Temperatur
Do hilf d'r keine Arz och kein Kur

Manch einer dä hät domet jakei Problem
Em Jäjendeil däm es alles anjenehm
Doch däm fählt jet do blieve ich stur
Un es et och dat e besje Fieber nur

Dann steis de do em Scheinwerferleech
Komm un maach e jlöcklich Jeseech
Dann steis de do met Pudding en de Bein
Solo - Jetz bes de allein